

O'QISHGA QABUL QILISH JARAYONLARI SHAFFOF VA OCHIQLIK TAMOYILLARI ASOSIDA DAVOM ETMOQDA

Yong'in xavfsizligi institutiga o'qishga qabul qilish va nomzodlarni tanlash jarayonlaridan o'tgan 3 kun mobaynida 500 dan ortiq abituriyentlar o'tdi. Shuningdek, ushbu jarayonlarni adolatlilik, shaffoflik va ochiqlik tamoyillari asosida o'tayotganligini ularning ota-onalari bevosita kuzatib borishmoqda. Shu jumladan, tibbiy ko'rik, kompyuter savodxonligi, psixofiziologik test sinovlari va yozma (diktant) ishlari hamda yakuniy suhbat sinovlarini muvaffaqiyatli topshirgan abituriyentlar navbatdagi kirish test sinoviga yo'llanmani qo'lga kiritishmoqda.

Nomzodlarni tanlash jarayonlari videokuzatuvlar orqali hamda jamoatchilik, shu jumladan abituriyentlar ota-onalarining kuzatib borishlari uchun barcha shart-sharoitlar yaratilmoqda, – deydi Institut boshlig'ining o'rinbosari, podpolkovnik Abduazim Axmadxodjaev. – O'g'limning yurtimizdagi harbiy oliy ta'lim muassasalarining orasidan aynan Yong'in xavfsizligi institutini tanlab, unga katta qiziqish bilan tayyorgarlik ko'rib keldi.

Bugun men o'g'limning o'qishga qabul qilish bo'yicha o'tkazilayotgan imtihon jarayonlarida bevosita kuzatuvchi sifatida ishtirok etib kelmoqdaman. Shuni alohida ta'kidlashim joizki, ushbu sinov jarayonlari adolatli, xolis va shaffof o'tkazilishini tashkil etish masalasiga jiddiy yondashilganini guvohi bo'lib turibman, – deydi Qoraqalpog'iston Respublikasidan tashrif buyurgan Xonzoda Seydullaeva. – Men bugun sinovlardan o'tar ekanman, bu yerdagi yaratilgan shart-sharoitlardan alohida mamnun bo'ldim.

Shu bilan birga kompyuter savodxonligi hamda yakuniy suhbat bo'yicha berilayotgan savollar o'zim o'qib tayyorgarlik ko'rgan mavzularga yaqin bo'lib ularga aniq va lo'nda qilib javob bersa bo'lar ekan, deydi Namanganlik Bobirjon Akbarov. – Ularni qayta-qayta o'qib, mag'zini chaqishga hojat qolmagan.

Ushbu sinovlardan muvaffaqiyatli o'tish barchaning bilim darajasiga bog'liq ekanligi yaqqol ko'zga tashlanmoqda. Rostini aytganda, yaxshi tayyorgarlik ko'rib astoydil harakat qilgan tengdoshlarimiz albatta barcha sinovlardan muvaffiqiyatli o'tib olsa bo'ladi. – O'g'lim ushbu dargohga qiziqishi tufayli abituriyent sifatida hujjatlarini topshirib, shu kunga qadar sinovlardan bosqichma-bosqich o'tib kelmoqda.

Auditoriyada yozma (diktant) ishni havas ilinjida berilib yozayotgan o'g'lim qatori yoshlarni kuzatar ekanman, beixtiyor barchalari imtihonlarni muvaffiqiyatli topshirib mana shunday harbiy ta'lim muassasini kursanti bo'lish nasib etishini tiladim, – deydi Samarqandlik Fazliddin Bo'riev.

– Ushbu oliy dargohda tashkil etilgan qabul komissiyasi faoliyatini kuzatar ekanman, tashkilotchilik yuqori saviyada ayniqsa, komissiya a'zolarining abituriyentlarga, ularning ota-onalariga bo'lgan xushmuomalalik bilan alohida e'tibor berayotganini e'tirof etmoqchiman, yoshlarimizning iqtidorini halollik, shaffoflik va adolatli baholanayotganiga o'zim guvoh bo'lib turibman, – deydi Farg'onalik Parizod Yunusova.

Ta'lim dargohida nomzodlarni tanlash va o'qishga qabul qilish tadbirlari davom etmoqda.

Farhodjon Xojayev,
Umumilmiy fanlar kafedrası
o'qituvchisi, kapitan.

